



Ann dla fede: n'ocajun por renové y aprofondì nosta fede !?

Papa Benedèt XVI incundarà ai 11 de otober por dōta la Dlijia universal a n "ann dla fede". Chësc dess se daidè dūc nos cristiagn catolichs a jì zoruch ales raîsc de nosta fede, a renové la conescënza de nosta fede (che va gonot zoruch ai agn dla scora) y a ciafè n nū raport cun Chël Bel Dî. Na buna ocajun por scoprì la richëza y la belëza de nosta fede é i cursc "Renové y aprofondì nosta fede", che vëgn tignis bel da 5 agn incà a La Ila cun la referènta Michaela de Beyer. Al é n curs che vëgn tignì vigni secundo mercui, a mèt man dai 26 de setëmber 2012 cina ai 15 de mà 2013 por indöt 15 incuntades. Alvëgn tignì dales 19.30 ales 21.00 te calonia basìte a La Ila. I contignüs che vëgn tratà prinzipalmënter en chësc ann é: la Dlijia, crusc y ressourceziun, mia cherdada, l'Sacramënt dl matrimone, laldè Chël Bel Dî... Formes dl curs é: lalt, letōra dla Bibia, catechesa y oraziun. Al vëgn inçe lascè trōpa lerch a domandes y al dialog. Te vigni dlijia él da ciafè na plata cun la descriziun dl curs plü menüda! Al é inçe la poscibilitè da tó pert ales prömes 2 sères zënza impëgn por odèi sce l'curs corespogn ales proprias aspetatives. Informaziuns ciafon inçe sot a: www.glaubenserneuerung.de Dūc é dër bel invià da tó pert!